

Հավելված №4  
Հայաստանի Հանրապետության հանրային  
ծառայությունները կարգավորող հանձնաժողովի  
2023 թվականի նոյեմբերի 15-ի №396-Ա որոշման

«Հավելված №3  
Հաստատված է Հայաստանի Հանրապետության հանրային  
ծառայությունները կարգավորող հանձնաժողովի  
2008 թվականի նոյեմբերի 19-ի №635Ա որոշմամբ

## **«ՅՈՒՔՈՄ» փակ բաժնետիրական ընկերության կողմից Հայաստանի Հանրապետության տարածքում համարների և կոդերի զբաղեցման**

### **Պայմանները**

**(տրված Հայաստանի Հանրապետության հանրային  
ծառայությունները կարգավորող հանձնաժողովի  
2008 թվականի նոյեմբերի 19-ի №635Ա որոշմամբ)**

#### **1. Թույլտվությունում օգտագործված հիմնական հասկացությունները**

1. Սույն թույլտվությունում օգտագործված հիմնական հասկացությունները սահմանվում են հետևյալ կերպ՝

- 1) Հանձնաժողով՝ Հայաստանի Հանրապետության հանրային ծառայությունները կարգավորող հանձնաժողովը.
- 2) Թույլտվություն ունեցող անձ կամ Լիցենզավորված անձ՝ «ՅՈՒՔՈՄ» փակ բաժնետիրական ընկերություն.
- 3) Թույլտվություն՝ Հանձնաժողովի կողմից Լիցենզավորված անձին տրված սույն փաստաթուղթը, որը հավաստում է Լիցենզավորված անձի՝ համարներ և կոդեր զբաղեցնելու իրավունքը և պարտականությունը.
- 4) Ֆորս մաժոր՝ արտակարգ և անկանխելի դեպքեր և հանգամանքներ, որոնք ստեղծվել են Լիցենզավորված անձի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պտտահողմերը, նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Լիցենզավորված անձի գործունեությունը կամ հանգեցնում նրա ստանձնած ցանկացած

պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

## **2. Թույլտվության գործողության ժամկետը**

2. Թույլտվությունն ուժի մեջ է մինչև 2033 թվականի նոյեմբերի 19-ը:

## **3. Լիցենզավորված անձի գործունեության վայրը**

3. Լիցենզավորված անձի գործունեության տարածքն է Հայաստանի Հանրապետության ամբողջ տարածքը:

## **4. Լիցենզավորված անձի գործունեության էությունը կազմող գործառույթները**

4. Թույլտվությունն ուժի մեջ մտնելու պահից Լիցենզավորված անձին իրավունք է տրվում և պարտավորեցվում արդյունավետ օգտագործել.

- 1) միջազգային ազդակների հանգույցի (ISPC) 2-200-3, 4-233-0, 5-234-1, 5-234-7 և շարժական կապի երկրային 283 (MCC-283) և ցանցային 10 (MNC-10) կոդերը,
- 2) հանրային շարժական կապի ցանցի 41, 44, 55, 95 տարածաշրջանային կոդերը (NDC) և նրանց «xxxxxx» համարային շարքերը, հանրային ամրակցված հեռախոսային ցանցի տարածաշրջանային կոդերը (NDC) և նրանց համարային շարքերը (հավելված N2, աղյուսակ N2),
- 3) հանրային ամրակցված հեռախոսային ցանցի 6038, 6042, 6044, 6050, 6051, 6052, 6053, 6054, 6065 ոչ աշխարհագրական կոդերը և նրանց «xxxxx» համարային շարքերը,
- 4) անվճար զանգահարվող (\$րի \$ոն) 800 00000-00049, 800 00185 և հավելավճարով ծառայությունների 900 00200-00249, 900 01313 համարները,
- 5) հատուկ ծառայության «105» կոդը Երևանի քաղաքապետարանի կողմից «թեժ գիծ» ծառայության կազմակերպման նպատակով, «113» կոդը՝ «ՍՓՅՈՒՌ» սահմանափակ պատասխանատվությամբ ընկերության կողմից մատուցվող տեղեկատվական ծառայության նպատակով,

6) հանրային ամրակցված հեռախոսային ցանցի կարճ կողով ծառայությունների «8388», «8105», «8106», «8107», «8108», «8109», «8112», «8113», «8114», «8115», «8116», «8117», «8120», «8122», «8123», «8988», «8717», «8088», «8909», «8128», «8129», «8140», «8141», «8142», «8803», «8786», «8810», «8890», «8148», «8149», «8150», «8152», «8153», «8154», «8155», «8156», «8157», «8158», «8603», «8903», «8104», «8124», «8642», «8889», «8127», «8833», «8844», «8822», «8599», «8699», «8263», «8264», «8979», «8266», «8747», «8268», «8485», «8283», «8590», «8085» համարները:

### **5. Լիցենզավորված գործունեության պայմանները**

7. Լիցենզավորված անձի գործունեությունը պետք է համապատասխանի «Էլեկտրոնային հաղորդակցության մասին» օրենքի, այլ օրենքների, Թույլտվության, Հանձնաժողովի կողմից ընդունված և այլ իրավական ակտերի պահանջներին:
8. Թույլտվությունը չի կարող այլ անձանց օգտագործման տրվել, օտարվել կամ գրավադրվել բացառությամբ օրենքով նախատեսված դեպքերի:
9. Թույլտվության գործողությունը չի տարածվում Լիցենզավորված անձի հետ համատեղ, այդ թվում՝ համատեղ գործունեության պայմանագրով գործունեություն իրականացնող այլ անձանց, ինչպես նաև Լիցենզավորված անձի մասնակցությամբ հիմնադրված կամ գործող իրավաբանական անձանց վրա:
10. Լիցենզավորված անձը պարտավոր է Հայաստանի Հանրապետության օրենսդրությանը համապատասխան ապահովել իր կողմից շահագործվող սարքավորումների հուսալիությունն ու անվտանգությունը:
11. Լիցենզավորված անձը պարտավոր է ապահովել իր ցանցի բաժանորդների հասանելիությունը դեպի հատուկ ծառայություններ (ոստիկանություն, շտապ օգնություն, հրշեջ ծառայություն և այլն):
12. Համարի կամ կոդի զբաղեցման թույլտվություն ունեցող անձն իրավասու է այդ համարը կամ կոդը տրամադրել սպառողներին, սակայն իրավունք չունի այդ

համարը կամ կողը փոխանցել այլ օպերատորների կամ ծառայություններ մատուցողների:

13. Եթե Թույլտվություն ստանալուց հետո առաջին տարվա ավարտին օգտագործվում է հատկացված համարային շարքի 60 տոկոսից պակաս, ապա օգտագործումը համարվում է ոչ արդյունավետ և Հանձնաժողովը կարող է տրամադրված համարային շարքից հետ վերցնել չօգտագործված համարները: Հատկացված համարների ոչ արդյունավետ օգտագործման դեպքում Հանձնաժողովը կարող է հեռախոսային ծառայություններ մատուցող անձին տրամադրված շարքից հետ վերցնել չօգտագործված համարները:
14. Լիցենզավորված անձի՝ Հանձնաժողով ներկայացրած տեղեկատվությունը հրապարակային է, եթե այն Լիցենզավորված անձի կողմից չի համարվում գաղտնի և նշված չէ որպես «գաղտնապահական տեղեկատվություն»: Հանձնաժողովն իրավասու է ընդունել կամ մերժել նման տեղեկատվության չհրապարակման վերաբերյալ Լիցենզավորված անձի խնդրանքը:
15. Լիցենզավորված անձի և հաճախորդների կամ վերջնական օգտագործողների փոխհարաբերությունները կարգավորվում են Հայաստանի Հանրապետության օրենքներով, Հանձնաժողովի ընդունած և այլ իրավական ակտերով:
16. Լիցենզավորված անձը պարտավոր է ազգային անվտանգության մարմինների պահանջով իր ապարատային միջոցների կազմում ընդգրկել լրացուցիչ սարքավորումներ և ծրագրային միջոցներ, ինչպես նաև անհրաժեշտ պայմաններ ստեղծել ազգային անվտանգության մարմինների կողմից օպերատիվ-տեխնիկական միջոցառումներ անցկացնելու համար:
17. Լիցենզավորված անձը պարտավոր է օրենքով նախատեսված դեպքերում և կարգով ապահովել իրավապահ և ազգային անվտանգության մարմինների աշխատակիցների անարգել մոտեցումը հաղորդակցության սարքավորումներին, ենթակառուցվածքներին, միացնող-անջատող, ուղղորդող և նմանատիպ այլ սարքերին, ներառյալ՝ գաղտնալսումների իրականացման համար անհրաժեշտ սարքերին:

18. Լիցենզավորված անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել թույլտվության պայմանների խախտման:

19. Թույլտվությունն ուժի մեջ մտնելու պահից Լիցենզավորված անձը պարտավոր է զարգացնել իր հանրային էլեկտրոնային հաղորդակցության ցանցը ժամանակացույցով սահմանված աշխարհագրական տարածքներում՝ ապահովելով հանրային ամրակցված հեռախոսային ծառայությունների մատուցումը.

| 2013<br>թվական | 2014<br>թվական | 2015<br>թվական | 2016<br>թվական | 2017<br>թվական | 2018<br>թվական |
|----------------|----------------|----------------|----------------|----------------|----------------|
| Վանաձոր        | Արտաշատ        | Գորիս          | Թալին          | Ապարան         | Ճամբարակ       |
| Գյումրի        | Կապան          | Սիսիան         | Մարալիկ        | Սպիտակ         | Մարտունի       |
| Հրազդան        | Արարատ         | Ագարակ         | Ամասիա         | Ստեփանավան     | Ծաղկաձոր       |
| Չարենցավան     | Եղեգնաձոր      | Մեղրի          | Աշտարակ        | Տաշիր          | Ծաղկահովիտ     |
| Էջմիածին       | Զերմուկ        | Քաջարան        | Եղվարդ         | Դիլիջան        | Գավառ          |
| Սևան           | Վեդի           | Վայք           | Աշոցք          | Իջևան          | Վարդենիս       |
| Ալավերդի       | Մեծամոր        | Բաղրամյան      | Ախուրյան       | Նոյեմբերյան    | Բերդ           |
| Արմավիր        | Զվարթնոց       |                | Արթիկ          |                |                |
| Մասիս          |                |                |                |                |                |

## 6. Գործունեության վերահսկում

19. Թույլտվության պայմանների պահպանման կամ կատարման վերահսկումն իրականացնում է Հանձնաժողովը:

20. Թույլտվության պայմանների պահպանման կամ կատարման վերահսկումն ապահովելու նպատակով Հանձնաժողովի լիազոր ներկայացուցիչներն իրավունք ունեն անարգել մուտք գործել Լիցենզավորված անձի տարածք: Վերահսկումն իրականացնելու ընթացքում Լիցենզավորված անձը պարտավոր է աջակցել Հանձնաժողովին:

## **7. Պատժամիջոցներ**

21. «Էլեկտրոնային հաղորդակցության մասին», «Լիցենզավորման մասին» օրենքների, Հանձնաժողովի ընդունած իրավական ակտերի պահանջները կամ Թույլտվության պայմանները չկատարելու, ոչ պատշաճ կատարելու կամ խախտելու դեպքում, Հանձնաժողովն իրավասու է կիրառել պատժամիջոցներ:
22. Լիցենզավորված անձը չի ենթարկվում պատասխանատվության, եթե նրա գործունեության մեջ արձանագրված խախտումները Ֆորս մաժորի հետևանք են:

## **8. Թույլտվության դրույթների և պայմանների փոփոխություն**

23. Թույլտվության պայմաններում փոփոխություններ կարող են կատարվել Հանձնաժողովի կամ Լիցենզավորված անձի նախաձեռնությամբ՝ Հանձնաժողովի կողմից սահմանված կարգով:
24. Հանձնաժողովի նախաձեռնությամբ թույլտվության պայմաններում փոփոխությունները կատարվում են Լիցենզավորված անձի համաձայնությամբ, բացառությամբ այն դեպքերի, երբ նախատեսվող փոփոխություններն անհրաժեշտ են Հայաստանի Հանրապետության օրենքների և այլ իրավական ակտերի պատշաճ կատարումն ապահովելու համար:
25. Թույլտվության կորստի (կորցնելու, ոչնչանալու և այլն) դեպքում կրկնօրինակի տրամադրման կամ գործողության ժամկետի երկարաձգման անհրաժեշտության դեպքում Լիցենզավորված անձը պարտավոր է այդ մասին հայտ (դիմում) ներկայացնել Հանձնաժողով:

## **9. Ծանուցում**

26. Սույն Թույլտվության պայմաններով նախատեսված իրազեկումը, այդ թվում փաստաթղթերի հանձնումը, կատարվում է օրենքով սահմանված կարգով և ժամկետներում:»: